



CABINET

COFNODION Y CYFARFOD O BELL A GYNHALIWYD DROS MICROSOFT TEAMS AR DDYDD MERCHER, 10 CHWEFROR 2021 AM 10:30AM

YN BRESENNOL:

Cynghorydd P. Marsden (Arweinydd) - Cadeirydd

Cynghorwyr:

S. Cook (Gofal Cymdeithasol), N. George (Gwastraff a Diogelu'r Cyhoedd), C. Gordon (Gwasanaethau Corfforaethol), S. Morgan (Economi a Menter), L. Phipps (Tai a Lleoedd), J. Ridgewell (Amgylchedd ac Isadeiledd), E. Stenner (Perfformiad a Gwasanaethau - Gwsmeriaid) ac R. Whiting (Dysgu a Chyflawniad).

Ynghyd â:

C. Harrhy (Prif Weithredwr), R. Edmunds (Cyfarwyddwr Corfforaethol - Addysg a Gwasanaethau Corfforaethol), D. Street (Cyfarwyddwr Corfforaethol - Gwasanaethau Cymdeithasol a Thai) ac M.S. Williams (Cyfarwyddwr Corfforaethol Dros Dro - Cymunedau).

Hefyd yn bresennol:

L. Allen (Prif Gyfrifydd Grŵp – Tai), S. Couzens (Prif Swyddog Tai), L. Donovan (Pennaeth Gwasanaethau Pobl), S. Isaacs (Rheolwr Rhenti), S. Richards (Pennaeth Cynllunio a Strategaeth Addysg), E. Townsend (Rheolwr Iechyd a Diogelwch), M. Williams (Pennaeth Dros Dro Gwasanaethau Eiddo), F. Wilkins (Rheolwr Gwasanaethau Tai), S. Harris (Pennaeth Gwasanaethau Ariannol a Swyddog Adran 151), R. Tranter (Pennaeth Gwasanaethau Cyfreithiol a'r Swyddog Monitro), C. Evans (Swyddog Gwasanaethau Pwyllgor).

G. P. Jones – Swyddfa Archwilio Cymru

TREFNIADAU RECORDIO A PHLEIDLEISIO

Atgoffodd yr Arweinydd y rhai a oedd yn bresennol fod y cyfarfod yn cael ei ffilmio ond na fyddai'n cael ei ffrydio'n fyw, ond byddai recordiad ar gael yn dilyn y cyfarfod drwy wefan y Cyngor - [Cliciwch yma i'w weld](#). Dywedodd y byddai penderfyniadau yn cael eu gwneud drwy Microsoft Forms.

1. YMDDIHEURIADAU AM ABSENOLDEB

Ni chafwyd unrhyw ymddiheuriadau am absenoldeb.

2. DATGANIADAU O FUDDIANT

Datganodd y Cynghorydd N. George fuddiant personol yn eitem 8 ar yr agenda – Taliadau Cyfrif Refeniw Tai – 2021/22 gan ei fod yn rhentu garej sy'n eiddo i'r Cyngor, ond roedd yn

gallu aros a chymryd rhan yn ystod ei ystyriaeth.

3. CABINET – 27 IONAWR 2021

PENDERFYNWYD bod cofnodion y cyfarfod a gynhaliwyd ar 27 Ionawr 2021 wedi'u cymeradwyo a'u llofnodi fel cofnod cywir.

4. BLAENRAGLEN WAITH Y CABINET - I'W NODI

Darparwyd Blaenraglen Waith y Cabinet i'r Cabinet, a oedd yn manylu ar yr adroddiadau a oedd ar yr amserlen rhwng 10 Chwefror 2021 a 24 Chwefror 2021. Atgoffwyd yr Aelodau mai dogfen weithredol yw Blaenraglen Waith y Cabinet ac felly'n gallu newid.

Yn dilyn ystyriaeth a thrafodaeth, fe'i cynigiwyd ac eiliwyd bod y Blaenraglen Waith yn cael ei nodi. Drwy ddangos dwylo cytunwyd hyn yn unfrydol.

PENDERFYNWYD y dylid nodi Blaenraglen Waith y Cabinet.

5. POLISI RHEOLI LEGIONELLA

Ceisiodd yr adroddiad gymeradwyaeth y Cabinet i Bolisi Rheoli Legionella

Nodwyd bod gan yr Awdurdod nifer o bolisiâu ar waith sy'n nodi ei ddull o reoli risgiau iechyd a diogelwch allweddol. Oherwydd y risg uchel sy'n gysylltiedig â legionella, mae angen polisi sy'n nodi ymrwymiad a threfniant yr Awdurdod ar gyfer rheoli diogelwch legionella. Ceisiwyd cyngor arbenigol cymwys i helpu i ddatblygu'r polisi.

Diolchodd y Cabinet i'r Swyddog a'r Aelod Cabinet am yr adroddiad a chafwyd trafodaeth.

Yn dilyn ystyriaeth a thrafodaeth, cynigiwyd ac eiliwyd i gymeradwyo'r argymhelliad yn yr adroddiad. Cytunwyd ar hyn yn unfrydol ar y system bleidleisio electronig.

PENDERFYNWYD, am y rhesymau a geir yn Adroddiad y Swyddog, y dylid cymeradwyo'r Polisi Rheoli Legionella sydd ynghlwm yn Atodiad 1 i'r adroddiad.

6. CYNLLUN ABERTHU CYFLOG BEICIO I'R GWAITH

Roedd yr adroddiad yn gofyn am gytundeb y Cabinet i gynyddu'r terfyn presennol ar y cynllun aberthu cyflog Beicio i'r Gwaith.

Nodwyd bod y Cyngor wedi gweithredu'r cynllun aberthu cyflog Beicio i'r Gwaith ers mis Mehefin 2010. Mae'r cynllun yn rhoi cyfle i gyflogeion cymwys brydlesu beic i'w galluogi i gymudo i'r gwaith ac oddi cartref. O dan y cynllun gall cyflogeion brydlesu'r beiciau gan y darparwr gyda didyniadau wedi'u gwneud drwy eu cyflog, sydd wedi'u heithrio o dreth incwm Talu Wrth Ennill a chyfraniadau yswiriant gwladol. Mae arbedion hefyd i Gyngor Bwrdeistref Sirol Caerffili o gyfraniadau yswiriant gwladol cyflogwyr (13.8% ar hyn o bryd) ac ardoll prentisiaeth (0.5%). Nid oes unrhyw gynilion pensiwn i'r cyflogai na'r Cyngor gan fod y cynllun yn bensiynadwy.

Caiff rheolau'r cynllun eu pennu gan CThEM, a hyd at fis Mehefin 2019 uchafswm gwerth y beic a'r ategolion (helmedau, goleuadau, cloeon ac ati) oedd £1,000.

Ers cyhoeddi'r canllawiau diwygiedig ym mis Mehefin 2019, mae'n bosibl mynd y tu hwnt i'r terfyn o £1,000 ar yr amod bod y cyflogwr neu ddarparwr y cynllun yn cael awdurdodiad gan yr Awdurdod Ymddygiad Ariannol (AYA). Mae darparwr y Cyngor, Cycle Solutions Limited,

eisoes wedi cofrestru gyda'r AYA ac felly gall weithredu fel Pennaeth a gall benodi'r Cyngor yn 'Gynrychiolydd a Benodwyd gan y Cyflwynydd'.

Nodwyd bod yn rhaid i Cycle Solutions Limited, fel Pennaeth, gymryd cyfrifoldeb am weithgareddau'r Cyngor o dan y cynllun Beicio i'r Gwaith ac felly mae angen i'r ddau barti lofnodi contract ysgrifenedig sy'n manylu ar y trefniadau. Rhaid i Cycle Solutions sicrhau bod y Cyngor yn cydymffurfio â holl reolau'r AYA mewn perthynas â'r cytundebau Beicio.

Prif fantais sefydlu'r trefniant hwn yw y gall y Cyngor bennu ei derfyn uchaf ei hun a fyddai'n galluogi cyflogeion cymwys i gael mynediad i ddewis ehangach o feiciau. Yn benodol, byddai hyn yn rhoi cyfle i gyflogeion ystyried cael beic trydan sydd fel arfer yn manwerthu rhwng £1,500 a £3,000 ar gyfer peiriant o ansawdd da.

Diolchodd y Cabinet i'r swyddog a'r Aelod Cabinet am yr adroddiad a chafwyd trafodaeth.

Trafododd y Cabinet yr adroddiad yn faith a chodwyd ymholiadau ynghylch darparu treuliau teithio i ddefnyddwyr beiciau. Esboniodd swyddogion nad oes darpariaeth ar waith ar hyn o bryd ar gyfer talu treuliau i ddefnyddwyr beiciau, darperir canllawiau gan Gyllid a Thollau Ei Mawrhydi fodd bynnag fel rhan o'r Adolygiadau Corfforaethol, bydd nifer o Bolisïau'n cael eu hadolygu, a fydd yn cynnwys treuliau milltiroedd a rhyddhad treth ar gyfer Gweithio Hyblyg.

Teimlai Aelod, wrth nodi'r manteision sylweddol i'r cynllun, sy'n cynnwys galw cynyddol mewn beiciau ers y pandemig a mwy o bobl yn cerdded, rhedeg a beicio, yn ogystal â blaenoriaeth y Cyngor i leihau'r ôl troed carbon a'r cymorth ar gyfer teithio llesol, efallai na fyddai'r terfyn £3,000 a argymhellir yn ddigonol ar gyfer llawer o feiciau trydan ac felly cynigiodd welliant i gynyddu'r terfyn i £5,000.

Ar ôl ystyried adroddiad y Swyddogion, cafodd ei gynnig a'i secondio, yn amodol ar ddiwygiad i argymhelliad 3.1, y dylid cynyddu'r terfyn ar gyfer y cynllun aberthu cyflog beicio i'r gwaith £5,000 yn hytrach na'r £3,000 a argymhellir yn yr adroddiad.

Yn dilyn ystyriaeth a thrafodaeth, cynigiwyd ac eiliwyd i gymeradwyo argymhellion yr adroddiad. Cytunwyd ar hyn yn unfrydol ar y system bleidleisio electronig.

PENDERFYNWYD, am y rhesymau a gynhwyswyd yn Adroddiad y Swyddog ac yn amodol ar y diwygiad a nodwyd uchod:-

- i) I gytuno bod y terfyn ar gyfer y Cynllun Aberthu Cyflog Beicio i'r Gwaith yn cael ei gynyddu o'r terfyn o £1,000 i £5,000;
- ii) I gytuno bod y Cyngor yn cael ei benodi'n 'Gynrychiolydd a Benodwyd gan y Cyflwynydd'.

7. CYNGOR BWRDEISTREF SIROL CAERFFILI – CRYNODEB ARCHWILIO BLYNYDDOL 2020

Croesawodd y Cabinet Mr G. Jones o Swyddfa Archwilio Cymru a roddodd drosolwg manwl o'r adroddiad i'r Cabinet ac esboniodd fod y pandemig parhaus wedi effeithio ar waith archwilio Swyddfa Archwilio Cymru (SAC) ers Gwanwyn 2020 a chydabuwyd bod straen enfawr ar wasanaethau cyhoeddus. O ganlyniad, mae Swyddfa Archwilio Cymru wedi ail-lunio ei rhaglen waith, ac wedi dod o hyd i ffyrdd newydd o weithio er mwyn lleihau ei heffaith ar ymateb cyrff cyhoeddus i COVID-19, wrth barhau i gyflawni dyletswyddau statudol.

Cyflwynodd yr adroddiad, a ystyriwyd gan y Pwyllgor Archwilio ar 26 Ionawr 2021, Grynodedb Archwilio Blynyddol Cyngor Bwrdeistref Sirol Caerffili Archwilio Cymru 2020 i'r Cabinet.

Nodwyd bod Swyddfa Archwilio Cymru wedi cyhoeddi Adroddiad Gwella Blynyddol (AGB) ers 2009. O 2020 mae enw'r adroddiad hwn wedi newid i'r Crynodeb Archwilio Blynyddol.

Rhoddodd adroddiad Archwilio Cymru, yn Atodiad 1 i'r adroddiad, grynoded o'r gwaith archwilio a gwblhawyd ar gyfer Cyngor Bwrdeistref Sirol Caerffili ers yr Adroddiad Gwella Blynyddol diwethaf, a gyhoeddwyd ym mis Gorffennaf 2019.

Nodwyd bod y crynodeb archwilio yn rhan o ddyletswyddau Archwilydd Cyffredinol Cymru.

Diolchodd y Cabinet i'r swyddog a'r Aelod Cabinet am yr adroddiad a chafwyd trafodaeth.

Trafododd y Cabinet yr adroddiad yn faith ac wrth dynnu sylw at y newidiadau diwylliannol sylweddol y mae'r Cyngor yn ymgymryd â hwy drwy'r agenda Weddnewid ac Adolygiadau Corfforaethol, gofynnwyd am eglurhad bod Swyddfa Archwilio Cymru yn cefnogi'r agenda. Eglurodd Mr Jones, gydag unrhyw agenda newid, fod sawl risg, fodd bynnag, gyda'r dull newydd a wneir gan Swyddfa Archwilio Cymru, mae hyn yn caniatáu perthynas waith newydd lle gellir cynnal cyngor ac adolygiadau ochr yn ochr â chynnydd a darparu cyngor ac adolygiadau amser real. Fodd bynnag, sicrhawyd yr Aelodau bod y berthynas waith yn parhau i fod yn broffesiynol gyda rolau clir rhwng y Cyngor a Swyddfa Archwilio Cymru.

Yn dilyn ystyriaeth a thrafodaeth, cynigiwyd ac eiliwyd i gymeradwyo'r argymhelliad yn yr adroddiad. Cytunwyd ar hyn yn unfrydol ar y system bleidleisio electronig.

PENDERFYNWYD, am y rhesymau a gynhwyswyd yn Adroddiad y Swyddog, y dylid nodi cynnwys Adroddiad Archwilio Cymru.

8. TALIADAU'R CYFRIF REFENIW TAI – 2021/2022

Datganodd y Cynghorydd N. George fuddiant personol yn eitem 8 ar yr agenda – Taliadau Cyfrif Refeniw Tai – 2021/22 gan ei fod yn rhentu garej sy'n eiddo i'r Cyngor, ond roedd yn gallu aros a chymryd rhan yn ystod ei ystyriaeth.

Roedd yr adroddiad, a ystyriwyd gan y Pwyllgor Craffu Tai ac Adfywio ar 26 Ionawr 2021, yn gofyn am benderfyniad y Cabinet ar y cynnydd mewn taliadau rhent Tai Cyngor a gynigiwyd yn yr adroddiad. Mae'r taliadau'n canolbwyntio'n bennaf ar renti tai cyngor, ond maent hefyd yn cynnwys garejys, a bwriedir iddynt fod yn effeithiol ar gyfer y Cyfrif Refeniw Tai (CRT) ar gyfer blwyddyn ariannol 2021/2022.

Nodwyd bod paratoi cyllideb y Cyfrif Refeniw Tai (CRT) yn gwbl ar wahân i'r gwaith sy'n gysylltiedig â phennu Cyllideb y Gronfa Gyffredinol a Threth y Cyngor. Ariennir y CRT gan incwm rhent a dderbynnir gan denantiaid y cyngor, yn hytrach na Threthdalwyr y Cyngor. Er bod gwahaniad clir o'r cronfeydd hyn, mae'r rhan fwyaf o gyfran y rhent tenantiaid cyngor yn cael ei ariannu o gymorth ariannol ar ffurf Budd-dal Tai neu Gredyd Cynhwysol (72%) sy'n deillio o bwrs y trethdalwyr, felly rhaid gofyn am werth am arian bob amser. Codir rhent ar denantiaid y cyngor dros gyfnod o 48 wythnos ond mae Llywodraeth Cymru (LIC) yn seilio eu rhenti ar sail 52 wythnos felly dangosodd yr adroddiad y cyfwerth â 52 wythnos.

Nododd y Cabinet mai ffigur chwyddiant Mynegai Prisiau Defnyddwyr y mis Medi blaenorol oedd 0.5%. Felly, mae'r polisi'n caniatáu uchafswm o 1.5% o gynnydd ar gyfanswm yr incwm rhent. Fodd bynnag, mae'r Cynllun Busnes wedi cymryd cynnydd rhent o 2.5% ar gyfer 2021/22 i 2024/25.

Nododd y Cabinet mai prin oedd yr amser i ystyried arfarniad opsiynau fforddiadwyedd llawn ar gyfer gosod y rhent ar gyfer 2020/21, a'r bwriad oedd cynnal ymarfer casglu data yn ddiweddarach yn 2020, cyn cylch pennu rhenti 2021/22.

Sefydlwyd gweithgor i drafod ffordd briodol ymlaen, gan gynnwys holiadur i denantiaid yn benodol ar fforddiadwyedd rhent. Daeth yn amlwg yn fuan fod llawer o gymhlethdodau i fynd i'r afael â hwy pe bai'r arfarniad fforddiadwyedd yn dangos canlyniadau ystyrion. Ni fydd yr hyn a ystyrir yn fforddiadwy i un tenant yn fforddiadwy i un arall.

Mae'r diffyg gwybodaeth am incwm a gwariant tenantiaid (e.e. biliau cyfleustodau, cyflogau ac ati), a'u hamgylchiadau a disgwyliadau unigol yn golygu bod fforddiadwyedd yn mynd yn anodd mesur. Yn anffodus, oherwydd y pandemig COVID-19, ni allai'r gweithgor symud ymlaen i'r graddau a ddymunwyd, gan fod adnoddau'n cael eu blaenoriaethu mewn manau eraill. Fodd bynnag, gwnaed rhywfaint o gynnydd, gan obeithio ei fod yn sylfaen ddigonol ar gyfer datblygu ymhellach. Cytunwyd ar arolwg fforddiadwyedd i denantiaid a'i roi ar y cyfryngau cymdeithasol a gwefan y Cyngor ar 16 Tachwedd, gyda therfyn amser o 30 diwrnod. Derbyniodd tenantiaid, sydd wedi cofrestru i dderbyn diweddariadau EGov, yr arolwg yn uniongyrchol hefyd a gwnaeth swyddogion ein tenantiaid ymgysylltiedig yn ymwybodol o'r arolwg mewn sawl gohebiaeth gyda rhai arolygon yn cael eu cynnal dros y ffôn. Mae'r ymatebion a dderbyniwyd wedi'u hystyried yng nghynigion yr adroddiad.

Diolchodd y Cabinet i'r swyddog a'r Aelod Cabinet am yr adroddiad a chafwyd trafodaeth.

Trafododd y Cabinet yr adroddiad yn faith a holodd am oblygiadau peidio â chynyddu'r rhent. Eglurodd swyddogion, er bod y pandemig wedi arwain at danwariant mewn nifer o ardaloedd, y byddai cynnydd mewn rhenti yn arwain at sicrhau gwaith ar gyfer SATC a'r CRT ac yn diogelu'r rhaglen yn y dyfodol. Yn ogystal, sicrhawyd yr Aelodau bod y buddsoddiad yng Nghynllun Gofalu am Gaerffili wedi arwain at gynnydd yn nifer y staff Cymorth Tai, a all roi cyngor a chymorth i sicrhau'r incwm mwyaf posibl i denantiaid y Cyngor.

Yn dilyn ystyriaeth a thrafodaeth, cynigiwyd ac eiliwyd i gymeradwyo'r argymhelliad yn yr adroddiad. Drwy bleidlais electronig ac wrth nodi bod 1 yn ymatal, cytunodd y mwyafrif a oedd yn bresennol ar hyn.

PENDERFYNWYD, am y rhesymau a geir yn Adroddiad y Swyddog, i gytuno ar gynnydd o 1.5% (Mynegai Prisiau Defnyddwyr ac 1%) – (£92.02/52 wythnos – sef £1.36 ychwanegol yr wythnos), sef yr uchafswm a ganiateir o dan y polisi rhent, a fydd yn gosod ein rhent ychydig o fewn diwedd isel band rhent targed polisi'r flwyddyn flaenorol ond, bydd yn lleihau ein hincwm o £0.5 miliwn i'r hyn a dybiwyd yn ein cynllun busnes, wedi'i gyfamodi o flwyddyn i flwyddyn.

Daeth y cyfarfod i ben am 11:30am.

Wedi'i gymeradwyo a'i llofnodi fel cofnod cywir, yn amodol ar unrhyw gywiriadau a wnaed yn y cyfarfod a gynhaliwyd ar 24 Chwefror 2021.

CADEIRYDD